

**ՀԱՅԿԱԿԱՆ ՀԱԿՕԴԱՅԻՆ ՊԱՇՏՊԱՆՈՒԹԵԱՆ
ԶՕՐՔԵՐԻ ԶԱՐԳԱՑՈՒՄԸ՝ 1994 ՄԱՅԻՍԵԱՆ
ԶԻՆԱԴԱԴԱՐԻՑ ՄԻՆՉԵՒ 2016 ԱՊՐԻԼԵԱՆ
ՌԱԶՄԱԿԱՆ ԳՈՐԾՈՂՈՒԹԻՒՆՆԵՐԸ
(Բ. ՄԱՍ)**

ՀԱՅԿ ՆԱԶԱՐԵԱՆ
nazaryan_h90.90@mail.ru



Ա-300ՊՍ ԶՀՀ, զինուորական շքերթ, Երեւան, 2016 Սեպտեմբեր 21
ՄՈՒՏՔ

2022ին լրացաւ հայկական զինուած ուժերի հակօդային պաշտպանութեան (ՀՕՊ) զօրքերի կազմաւորման 30ամեակը: Այդ առիթով նախորդ տարի սկսեցինք եւ այս տարի շարունակում ենք ուսումնասիրել հայկական ՀՕՊ զօրքերի պատմութիւնը: Ուսումնասիրութեան առաջին յօդուածում՝ ներկայացրել ենք հայկական ՀՕՊ զօրքերի կազմաւորման գործընթացը եւ մասնակցութիւնը արցախեան առաջին պատերազմին, իսկ այս երկրորդ յօդուածում կը ներկայացնենք հայկական ՀՕՊ զօրքերի զարգացումը, սպառազինութեան ու մեքենասարքերի (*տեխնիկա*) յետագայ համալրման ու արդիականացման գործընթացը 1994 մայիսեան զինադադա-

¹ Ուսումնասիրութեան առաջին մասը տես՝ Հայկ Նազարեան, «Հայկական հակօդային պաշտպանութեան (ՀՕՊ) զօրքերի կազմաւորումը Արցախեան Ա. պատերազմի տարիներին», *Հայակազեան հայագիտական հանդէս*, 42/2:2022, էջ 57-72:

րից յետոյ, ՀՕՊ զորքերի մասնակցութիւնը 2016 ապրիլեան քառօրեայ ռազմական գործողութիւններին:

Յօդուածում զուգահեռներ ենք տարել նաեւ տարածաշրջանի միա երկու պետութիւնների՝ Ադրբեջանի եւ Վրաստանի հանրապետութիւնների ՀՕՊ զորքերի կառուցուածքի եւ սպառազինութեան միջեւ:

Ինչպէս յօդուածաշարի առաջին, այնպէս էլ սոյն յօդուածը գրուած է բացառապէս հաւաստի, բաց եւ հասանելի սկզբնաղբիւրների, ինչպէս նաեւ պատմագիտական ու ռազմագիտական գրականութեան հիման վրայ:

ՀԱՅԿԱԿԱՆ ՀՕՊ ԶՕՐԲԵՐԻ ԶԱՐԳԱՑՈՒՄԸ

1994-ի ՄԱՅԻՍԵԱՆ ԶԻՆԱԴԱԴԱՐԻՑ ՅԵՏՈՅ

Արցախեան առաջին պատերազմի արդիւնքում 1994 Մայիսին մի կողմից Հայաստանի Հանրապետութեան եւ Լեռնային Ղարաբաղի Հանրապետութեան եւ միա կողմից Ադրբեջանի Հանրապետութեան միջեւ ստորագրուեց հայոց համար յաղթական զինադադար: Փաստաթուղթը հեռապատճէնի (ֆաքս) տարբերակով ստորագրեցին, համապատասխանաբար, ԱՀ պաշտպանութեան նախարար Մամեդրաֆի Մամեդովը Պաքում, 1994 Մայիսի 9ին, ՀՀ պաշտպանութեան նախարար Սերժ Սարգսեանը՝ Երեւանում, Մայիսի 10ին, ԼՂՀ պաշտպանութեան բանակի հրամանատար Սամուէլ Բաբայեանը՝ Ստեփանակերտում, Մայիսի 11ին: Այն ուժի մէջ մտաւ Մայիսի 12ին²:

1995 Մայիսի 9ին Ստեփանակերտում կայացաւ յաղթական զօրահանդէս, որի ժամանակ հրապարակով անցան նաեւ ԼՂՀ ՊԲ ՀՕՊ զնդի (հրամանատար հազարապետ Նիկոլայ Բաբայեան) սպառազինութեան մէջ ընդգրկուած Օսա-ԱԿ (Osa-AK, մինչեւ 10կմ հեռահարութեան), Ս-125 Նեւա (C-125 Нева, մինչեւ 30կմ հեռահարութեան) եւ ԶԿ-11 Կրուգ (2K-11 Круг, մինչեւ 50կմ հեռահարութեան) զենիթահրթիռային համակարգերը³:

1990ականների կէսերից սկսուեց ՀՀ ՀՕՊ կենտրոնացումը համակարգի ստեղծման գործընթացը: 1995 Փետրուարի 10ին Ալմա-Աթայում ՀՀ-ն Պելառուսի, Թուրքմենստանի, Ղազախստանի, Ղրղզստանի, Ռուսաստանի, Տաճիկստանի, Ուզպեկստանի եւ Ուքրայնայի հետ միասին

² Զինադադարի փաստաթղթի ամբողջական հրատարակուած տարբերակը տե՛ս՝ Հենրիկ Խաչատրեան, Գարեգին Ղազարեան, Սիրվարդ Մարգարեան, *Յաղթանակներն՝ ինչպէս եղել են. ազդական* 44, Հայկական հանրագիտարան. հրատ., Երեւան, 2008, էջ 174:

³ Զօրահանդէսի արխիւային տեսաժապաւէնը տե՛ս՝ <https://www.youtube.com/watch?v=0y4lqgMawos&t=1644s>: 10.06.2019:

ստորագրեց Անկախ պետութիւնների համագործակցութեան (ԱՊՀ) անդամ-պետութիւնների միացեալ ՀՕՊ համակարգի ստեղծման մասին պայմանագիրը⁴: Միաժամանակ ՀՀ տարածքում գտնուող «Ռուսաստանի դաշնութեան զինուած ուժերի կարգավիճակի մասին» 1992 Օգոստոսի 21ին ՀՀ նախագահ Լեւոն Տէրպետրոսեանի եւ ՌԴ նախագահ Պորիս Ելցինի միջեւ ստորագրուած պայմանագրով եւ 1995 Մարտի 16ի «Ռուսական ռազմական բազայի մասին» երկկողմ պայմանագրով՝ Գիւմրիում տեղակայուած նախկին խորհրդային 7րդ համազօրային բանակի 127րդ մոտոհրաձգային զօրաբաժնի հիման վրայ ձեւաւորուեց ռուսական 102րդ ռազմախարսիսը՝ իրականացնելով նախկին ԽՍՀՄ արտաքին սահմանների (Թուրքիայի եւ Իրանի հետ ՀՀ պետական սահմանների – Հ.Ն.) անվտանգութիւնը⁵: Պայմանագիրը սկզբնապէս կնքուեց 25 տարի ժամկետով, իսկ 2010 Օգոստոսի 19-20ը ՌԴ նախագահ Տմիրի Մետվետեւի ՀՀ կատարած պետական այցի շրջանակներում, Օգոստոսի 20ին ՀՀ պաշտպանութեան նախարար Սէյրան Օհանեանը եւ ՌԴ պաշտպանութեան նախարար Անաթոլի Սերտիլկովը ստորագրեցին N 5 արձանագրութիւնը, որով ռազմախարսիսի մասին պայմանագիրը երկարաձգուեց մինչեւ 2044: N 5 արձանագրութեան մէջ «ԽՍՀՄ արտաքին սահմաններ» ձեւակերպումը՝ փոխարինուեց «ՀՀ պետական սահմաններ» ձեւով, ինչպէս նաեւ նոյն արձանագրութեամբ ռուսական կողմը՝ հայկական կողմին արդիական զինատեսակներ մատակարարելու պարտաւորութիւն ստանձնեց⁶:

Ռազմախարսիսի կազմում ստեղծուեցին նաեւ օդային եւ ՀՕՊ բաղադրիչները: Մասնատրապէս, 1995 Յուլիսի 12ին Երեւան «Էրեբունի» օդակայանում տեղակայուեցին ՌԴ ռազմօդային ուժերի 6 հատ ՄիԳ-23 (ՄիԳ-23) կործանիչներ, որոնք 1998ին փոխարինուեցին համեմատաբար նոր 18 հատ ՄիԳ-29 (ՄիԳ-29) կործանիչներով, իսկ արդէն 2001 Յուլիսին «Էրեբունի» օդակայանում կազմաւորուեց ռուսական 3624րդ օդային ռազմա-

⁴ С. А. Денисенцев; А. В. Лавров; Ю. Ю. Лямин; К. В. Макиенко; А. В. Никольский, *Союзники* (Դաշնակիցներ), խմբ.՝ Կ. Վ. Մակիենկո, Ռազմավարութիւնների եւ արհեստագիտութեան վերլուծութեան կենտրոն, Մոսկուա, 2020, էջ 23:

⁵ “Министр обороны Республики Армения Сейран Оганян: Россия – исторически наш стратегический союзник. Газета «Красная звезда» (ՀՀ պաշտպանութեան նախարար Սէյրան Օհանեան. Ռուսաստան - պատմականօրէն մեր ռազմավարական դաշնակիցը), *Կարմիր աստղ*, Մոսկուա, 20 Մարտի 2009 (http://old.redstar.ru/2009/03/20_03/3_04.html):

⁶ Պարզաբանում. Հայաստանում ՌԴ ռազմակայան, «Մեդիամաքս» լրատուական գործակալութիւնը (<https://mediamax.am/am/news/parzabanum/13078>), 4.02.2015:

խարիսխը⁷: ՄիԳ-29 կործանիչները սկսեցին իրականացնել մարտական հերթապահություն մայրաքաղաք Երեւանի երկնքում:



Բուկ-Մ1-2 ՋՀՀ, զինոտրական շքերթ, Երեւան, 2016 Սեպտեմբեր 21

1998ին 102րդ ռուսական ռազմափարսի չՕՊ զորքերը համալրուեցին մեծ հեռահարության (մինչեւ 100կմ) Ս-300Վ (С-300В) ՋՀՀերով⁸: Այս համակարգերը, որոնք թրթուռատուր ամրաշրջանակի վրայ տեղադրուած արձակման կայանքներ են, տեղակայուեցին Գիմրիի մօտ՝ իրականացնելով 102րդ ռազմափարսի հակօդային եւ հակահրթիռային պաշտպանու-

⁷ Давид Петросян, “Об авиационной компоненте 102-й российской военной базы в Армении” (102րդ ռուսական ռազմափարսի օդային բաղադրիչի մասին), интернет – журнал *Военно – политическая аналитика* (Ռազմաքաղաքական վերլուծություն) համացանցային հանդէս, մատչում 21.03.2016, (https://vpoanalytics.com/2016/03/21/ob-aviacionnoj-komponente-102-j-rossijskoj-voennoj-bazy-v-armenii/?fbclid=IwAR3b6j6pMNmGkKwn0I4uK43hMol_Rtu3XpVQR7x5py2IYmQ3bSiQvO3FYIA) մատչում 21.03.2016:

⁸ Նոյն:

թիւնը⁹: Արդէն 2010ականների կեսերի դրութեամբ ռազմախարսխի ՀՕՊ 988րդ զենիթահրթիռային զունդը իր կազմում ուներ 1 զօրաբաժին Ս-300Վ, 1 զօրաբաժին Բուկ-Մ1-2 (Бук-М1-2), ինչպէս նաեւ 6 հատ 9Կ35 Ստրելա-10 (9К35 Стрела-10) շՀՀեր¹⁰:

ՀՀ հակօդային պաշտպանութեան գործառոյթը տրուած էր հայկական ՁՈՒերի 96րդ զենիթահրթիռային ջոկատին (սպայակոյտը տեղակայուած՝ Երեւանում)¹¹: Սկսած 1995ից ռուսական կողմը ապահովում էր հայկական ՀՕՊ զօրքերի կադրերի պատրաստումը եւ ՀՕՊ միջոցների պահեստամասերի մատակարարումը, իսկ 1990ականների վերջին ՀՀ-ն ՌԴ-ից ստացաւ լրացուցիչ 2Կ-11Մ1 Կրուգ (2К-11М1 Круг-М1) զենիթահրթիռային կայանքներ, որոնք տեղակայուեցին ՀՀ արեւելեան եւ հարաւ-արեւելեան սահմանների մօտ ու մարտական հերթապահութիւն իրականացրեցին մինչեւ 2013: Այդ նոյն ժամանակահատուածում ՀՀ արեւմտեան սահմանների մօտ օդային տարածքի պաշտպանութիւնն իրականացնում էին փոքր հեռահարութեան Ս-125 զենիթահրթիռային համալիրները, իսկ մայրաքաղաք Երեւանի շրջակայքում՝ միջին հեռահարութեան (մինչեւ 45կմ) Ս-75Մ3 (С-75М3) զենիթահրթիռային համալիրները, ինչպէս նաեւ ՀՀ տարբեր հատուածներում տեղակայուած էին Պ-14 (Պ-14), Պ-18 (Պ-18), Պ-35 (Պ-35), Պ-37 (Պ-37), եւ Պ-40 (Պ-40) ռադիոտեղորոշիչ կայանքներ: Սակայն 2000ականների սկզբներից սկսած մարտական հերթապահութիւնից հանուեցին Ս-75 համալիրները (վերջին միաւորը՝ 2010ին)¹²:

ՀՀ եւ ՌԴ կառավարութիւնների միջեւ 2003 Յունուարի 17ին ստորագրուեց ռազմարհեստագիտական գործակցութեան մասին պայմանագիր, որը եկաւ լրացնելու դեռեւս 1992 Մայիսի 15ին Ուզպէկստանի մայրաքաղաք Թաշքենդում ստորագրուած (խմբագրուեց՝ 2010ին) հաւաքական ան-

⁹ Сергей Линник, “Современное состояние системы ПВО Армении” (Հայաստանի ՀՕՊ համակարգի ներկայ վիճակը)՝ <https://topwar.ru/136057-sovremennoe-sostoyanie-sistemy-pvo-armenii.html>, մատչում՝ 16.02.2018:

¹⁰ Александр Храмчихин, “Форпост с вопросами в случае конфликта России с Турцией Армения оказывается на передовой” (Ֆորպոստը հարցերով. Թուրքիայի հետ Ռուսաստանի հակամարտութեան դէպքում Հայաստանը յայտնուում է առաջնագծում), *Военно-промышленный курьер* (ВПК) (Ռազմարդիւնաբերական տնօրհանդակ շաբաթաթերթ), № 9 (624), 9 Մարտի 2016, <https://vpk-news.ru/articles/29587>:

¹¹ В ожидании Бури: Южный Кавказ (Փոթորիկին սպասելիս. Հարաւային Կովկաս), խմբ.՝ Կ. Վ. Մակիենկօ, Ռազմավարութիւնների եւ արհեստագիտութեան վերլուծութեան կենտրոն, Մոսկուա, 2018, էջ 68:

¹² Линник:

վտանգության մասին պայմանագրին, որով սպառազինության եւ մեքենասարքի մատակարարումների մասով սահմանում էին արտոնելալ պայմաններ, Հաաքական անվտանգության պայմանագրի կազմակերպության (ՀԱՊԿ) անդամ պետությունների համար¹³: Այս ոլորտում երկու պետությունների միջեւ յետագայ զարգացման քայլերը յստակեցուցին 2004 Սեպտեմբերին կայացած ռազմարհեստագիտական համագործակցության հարցերով ՀՀ եւ ՌԴ միջկառավարական յանձնաժողովի նիստում¹⁴:

2000ականների կեսերից, մարտական հերթապահութիւնից հանուած Ս-75 համալիրների փոխարէն, հայկական ՀՕՊ զօրքերը սկսեցին համալրուել մեծ հեռահարութեան (75կմ) Ս-300ՊՏ (С-300ПТ) եւ Ս-300ՊՍ (С-300ПС) ՁՀՀերով: Մասնատրապէս, 2007-8ին ՀՀն ՌԴ ՁՈՒ-կազմից ստացաւ առաջին Ս-300ՊՏ ՁՀՀերը¹⁵, իսկ 2010ին՝ 4 հատ Ս-300ՊՍ ՁՀՀեր (արժէքը 30 մլն տոլար):¹⁶ Ժամանակի ընթացքում դրանց թիւն աւտիճանաբար աւելացաւ եւ ստացուած Ս-300ՊՏ ՁՀՀերը (4 զօրաբաժին), տեղակայուեցին Երեւանի շուրջ, իսկ Ս-300ՊՍ ՁՀՀերը (2 զօրաբաժին)՝ ՀՀ հարաւ-արեւելեան սահմաններին (Սիւնիքի մարզի տարածքում), լեռնային գօտիներում, ինչպէս նաեւ ԼՂՀ տարածքում¹⁷: Յատկանշական է այն, որ հայկական ՀՕՊ զօրքերը համալրած С-300ՊՍ ՁՀՀերը յարմարեցուեցին յատուկ լեռնային պայմաններին¹⁸: Ս-300ՊՍ համակարգերը առաջին անգամ հանրութեանը ներկայացուեցին ՀՀ անկախութեան 20ամեակի առթիւ 2011 Սեպտեմբերի 21ին Երեւանի Հանրապետութեան հրապարակում կայացած զօրահանդէսի ժամանակ¹⁹:

¹³ Михаил Александров, “Военно - техническое сотрудничество России и Армении набирает обороты” (Ռուսաստանի եւ Հայաստանի ռազմարհեստագիտական գործակցութիւնը թափ է հաւաքում), *Ноев Ковчег* газета (Նոյեան տապան թերթ), № 2 (232), 1-15 Փետրուարի 2014 (<https://noev-kovcheg.ru/mag/2014-02/4297.html>):

¹⁴ *Структура закупок вооружений и военной техники Армении. Аналитическая записка* (Հայաստանի սպառազինութեան եւ ռազմական մեքենասարքի գնումների կառուցուածքը. վերլուծական տեղեկագիր), «ЦАМТО» (Զէնքի միջազգային առետրի վերլուծութեան կենտրոն), Մոսկուա, 2022, 2 (<https://armstrade.org/files/analytics/398.pdf>):

¹⁵ *Союзники*, էջ 18, Դաշնակիցներ, էջ 18:

¹⁶ *Структура*, էջ 3:

¹⁷ *Линник*:

¹⁸ Սէյրան Օհանեան, *Հայկական բանակի 20-ամեայ տարեգրութիւն (համառօտ ուրուագիծ)*, ՀՀ ՊՆ, Երեւան, 2012, էջ 201:

¹⁹ Զօրահանդէսի արխիւային տեսաժապաւէնը՝

Ս-300ՊՏ ՁՀՀերը խորհրդային բանակի սպառազինության մէջ էին ընդգրկուել 1978ին. դրանք անուատր քարշակուող արձակման կայանքներ են եւ կարող էին արձակել տարբեր հեռահարութեան զենիթային կառավարուող հրթիռներ, այդ թում՝ 5Վ55Կ (5B55K)՝ 47կմ հեռահարութեան, 5Վ55Ռ (5B55P)՝ 75կմ հեռահարութեան եւ 5Վ55ՌՄ (5B55PM)՝ մինչեւ 90կմ հեռահարութեան: Այս վերջին հրթիռները կարող են արձակուել նաեւ Ս-300ՊՍ ՁՀՀերից: Վերջիններս ինքնագնաց արձակման կայանքներ են՝ տեղադրուած ՄԱԶ-543 (MA3-543) մեքենայի ամրաշրջանակի վրայ: Ժամանակի ընթացքում, սակայն, ՀՀի համար մեծ խնդիր էր դառնում այն հանգամանքը, որ սպառում էր առկայ 5Վ55Կ, 5Վ55Ռ եւ 5Վ55ՌՄ հրթիռների պիտանելիութեան ժամկետը, իսկ նոր հրթիռների ձեռքբերումը դժուարանում էր, քանի որ դրանց արտադրութիւնը 1990ականների վերջին արդէն դադարեցուել էր²⁰:

2013 Մարտի 15ին ՌԴ կառավարութիւնը, նախագահ Վլատիմիր Փութինի յանձնարարականի հիման վրայ, կազմում է ՀՀ հետ ռազմարհեստագիտական համագործակցութեան մասին նոր պայմանագրի նախագիծ, որը ստորագրում է 2013 Յունիսի 25ին՝ ՌԴ անվտանգութեան խորհրդի քարտուղար Նիքոլայ Պատրուշեւի գլխաւորած պատուիրակութեան Երեւան կատարած այցի շրջանակներում: Փաստաթղթի տակ իրենց ստորագրութիւն են դնում ՀՀ պաշտպանութեան նախարար Օհանեանը եւ Ռազմարհեստագիտական համագործակցութեան դաշնային ծառայութեան տնօրէն Ալեքսանդր Ֆոմինը²¹:

Երկու տարի անց՝ 2015ին, ՀՀն ՌԴից ձեռք է բերում 8 հատ արդիականացուած Ս-125 Պեչորա-2Մ (С-125 Печора-2М) ՁՀՀեր (Ս-125 Նեա համալիրների արտահանուող տարբերակը)՝ 60մլն տոլար արժողութեամբ²²: 2010ականների կէսերին Ս-125 ՁՀՀերը մարտական հերթապահութիւն էին իրականացնում արդէն ՀՀ արեւելեան սահմաններում, ինչպէս նաեւ ԼՂՀ տարածքում:

2010ականների կէսերին հայկական ՁՈՒ ՀՕՊ զօրքերի կազմում ընդհանուր առմամբ կային 3 զօրաբաժին (36 արձակման կայանք) Ս-300ՊՏ, 2 զօրաբաժին (24 արձակման կայանք) Ս-300ՊՍ, 1 զօրաբաժին ՁՀՀ Ս-75 (6 արձակման կայանք), 5 զօրաբաժին Ս-125 (20 արձակման կայանք), 3 զօրաբաժին Կրուգ (27 արձակման կայանք), մին-

<https://www.youtube.com/watch?v=xXbJBKJBpKs>: 21.09.2011:

²⁰ Линник:

²¹ Александров:

²² Структура закупок, էջ 3:

չել 9 հատ Օսա-ԱԿ, 48 հատ Ստրելա-10 (Стрела-10), 30 հատ Ստրելա-1 (Стрела-1) ՂՀՀԵր, 48 հատ Շիլկա զենիթային ինքնագնաց կայանք (ЗСУ-23-4 «Шилка»), մինչեւ 200 Ստրելա-2 (Стрела-2) եւ 90 Իգլա (Игла) դիրակիր զենիթահրթիռային կայանքներ²³:

Ժամանակի ընթացքում հայկական ՀՕՊ զորքերը համալրուեցին նաեւ 5Ն84Ա Օրորոնա-14 (5Н84А «Оборона-14»), 22Ժ6Մ (22Ж6М), 36Դ6, (36Д6) Նեբո-ՍՎ (Небо-СВ)», 557ՈԻ6 Պերիսկոպ-ՎՄ (57У6 «Перископ-ВМ») ռադիոտեղորոշիչ կայանքներով²⁴:

Զուգահեռաբար աշխատանքներ տարուեցին ԼՂՀ ՊԲ ՀՕՊ զորքերի համալրման եւ զարգացման ուղղությամբ՝ հիմնականում ՀՀ տարածքում մարտական հերթապահութիւնից հանուած ՂՀՀԵրի հաշուին: 2002 Օգոստոսի 1ին ԼՂՀ ՊԲ զենիթահրթիռահրետանային գնդի ուժերի եւ միջոցների հիմքի վրայ կազմատրուեց զենիթահրթիռային ջոկատը (հրամանատար գնդապետ Սամուէլ Մանուկեան) եւ առանձին ռադիոարհեստագիտական գումարտակը (հրամանատար փոխգնդապետ Արթուր Հայրապետեան)²⁵:

Պատերազմական եւ խաղաղ ժամանակաշրջանում ցուցաբերած մեծակշիռ աւանդի համար ԼՂՀ նախագահի 2007 Յունուարի 26ի հրամանագրով զենիթահրթիռային ջոկատը պարգեատրուեց «Մարտական խաչ» Չրդ աստիճանի շքանշանով²⁶:

Սկզբնապէս մայրաքաղաք Ստեփանակերտի եւ օդակայանի շուրջ տեղակայուեցին Ս-125Մ1, Կրուգ-Մ1, 2Կ12 Կուբ (2К12 Куб), իսկ աւելի ուշ՝ Ս-300ՊՍ ՂՀՀԵրի դիրքեր: 2010ականների կէսերի դրությամբ ԼՂՀ ՊԲ ՀՕՊ զորքերն իրենց կազմում ունէին 1 զօրաբաժին Ս-300ՊՍ, 1 զօրաբաժին Ս-125, 1 զօրաբաժին Կուբ, 5-6 մարտկոց (15-18 արձակման կայանք) Կրուգ, միքանի հատ Օսա-ԱԿ եւ Ստրելա-10 ՂՀՀԵր, ինչպէս նաեւ Շիլկա ԶԻԿեր²⁷: Ժամանակի ընթացքում, սակայն Կրուգ-Մ1 եւ Կուբ ՂՀՀԵրը դարձան անաշխատունակ՝ դրանց հնամաշութեան եւ դրանց հրթիռների

²³ Храмчихин:

²⁴ Линник:

²⁵ Սենոր Հասրաթեան, *Պաշտպանութեան բանակի զօրաւորեսակները, ծառայութիւնները եւ առանձին ստորաբաժանումները դարաբաղեան պատերազմի գլխաւոր ռազմագործողութիւններում*, «Դիզակ պլիւս» հրատ., Ստեփանակերտ, 2010, էջ 131:

²⁶ Նոյն:

²⁷ Храмчихин:

պիտանելիության ժամկետի աւարտով: Մասնատրապէս Կուբ ԶՀՀ-երի արտադրութիւնը դադարեցուել էր դեռեւս 1983ին²⁸:

ԼՂՀ օդային սահմանների վերահսկողութիւնն իրականացնում էին Պ-18, Պ-19 եւ 36Դ6 ռադիոտեղորոշիչ կայանքները²⁹:

Դեռեւս արցախեան առաջին պատերազմի պայմաններում ՀՀ եւ ԼՂՀ տարածքներում կազմաւորուած ՀՕՊ զօրքերը աստիճանաբար համարկուեցին միմեանց եւ արդիւնքում ստեղծուեց երկու հանրապետութիւնների օդային սահմանները պաշտպանող միասնական ՀՕՊ համակարգ: Արդէն 2010ականների կէսերին ՀՀ եւ Լեռնային Ղարաբաղի ՀՕՊը միացեալ աստիճանաշարային համակարգ էր, որը ներառում էր մեծ հեռահարութեան (С-300ՊՏ, С-300ՊՍ), միջին հեռահարութեան (Ս-125, Ս-75, Կրուգ, Կուբ), փոքր հեռահարութեան (Օսա-ԱԿ, ԶՍՈՒ-23-4 Շիլկա, Ստրելա-10) ԶՀՀ-եր, Զենիթա-հրետանային կայանքներ (Ս-60 (С-60) եւ ԴԶԶՀ-եր (Ստրելա-2, Իզլա, Իզլա-Ս, (Игла-С))³⁰:

Ժամանակը ցոյց տուեց, սակայն, որ ԱՊՀ միաւորուած ՀՕՊ համակարգը քաղաքական մի շարք հանգամանքների պատճառով, արդիւնաւէտ չէր: Արդիւնքում 2000ականների կէսերին ՌԴ ռազմաքաղաքական ղեկավարութիւնը նախաձեռնեց մէկ այլ, այս անգամ ՀԱՊԿ միաւորուած ՀՕՊ համակարգի ստեղծումը աշխարհագրական երեք առանձին տարածաշրջաններում՝ Արեւելեան Եւրոպայում, Միջին Ասիայում եւ Հարաւային Կովկասում: Սրա շրջանակում 2015 Դեկտեմբերի 23ին ՀՀ պաշտպանութեան նախարար Օհանեանն ու ՌԴ պաշտպանութեան նախարար Սերգէյ Շոյգուն Մոսկուայում ստորագրեցին «ՀՀ եւ ՌԴ միջեւ հաւաքական անվտանգութեան կովկասեան տարածաշրջանում հակօդային պաշտպանութեան միաւորուած տարածաշրջանային համակարգ ստեղծելու մասին» համաձայնագիրը³¹, որը ՀՀ ազգային ժողովը վաւերացրեց 2016 Յունիսի 30ին³²: Համաձայնագիրը հնարաւորութիւն ընձեռեց ՀՀին՝ ՌԴ-ից ձեռք բերելու ՀՕՊ նոր սպառազինութիւն եւ մեքենասարք: Մասնատրապէս,

²⁸ Линник:

²⁹ Նոյն:

³⁰ Сергей Минасян, *Сдерживание в карабахском конфликте* (Զապումը Ղարաբաղեան հակամարտութիւնում), Կովկաս ինստիտուտ, Երեւան, 2016, էջ 124:

³¹ Համաձայնագրի բնագիրը՝ «Հայաստանի իրաւական տեղեկատուական համակարգ» կայքէջում (<https://www.arlis.am/DocumentView.aspx?docid=115473>):

³² Տես ՀՀ ԱԺ պաշտօնական կայքէջը՝ <http://parliament.am/register.php?AgendaID=420&day=30&month=06&year=2016&lang=#30.06.2016>:

2016ին ՀՀ ՌԴ-ից ստացավ 1 կամ 2 զորաբաժին Բուկ-Մ1-2 (Бук-М1-2) ՋՀՀեր³³։ Այս համալիրները առաջին անգամ հանրությանը ներկայացուցին ՀՀ անկախության 25ամեակի առթիվ 2016 Սեպտեմբերի 21ին Երեւանի Հանրապետության հրապարակում կայացած զորահանդեսի ժամանակ³⁴։

ՀՕՊ սպառազինության եւ մեքենասարքի ձեռքբերմանը զուգահեռ, ՀՀում աշխատանքներ տարուեցին նաեւ եղած մեքենասարքի արդիականացման ուղղությամբ։ ՀՀի ռազմարդինաբերական համալիրի (ՌԱՀ) ձեռնարկությունների կողմից իրականացուեցին խորհրդային արտադրության ՋՀՀերի եւ ռադիոտեղորոշիչ կայանքների ամբողջական կամ մասնակի վերազինում³⁵, ինչպէս նաեւ մեքենասարքի որոշ նմուշների տեղական մշակումներ եւ արտադրություն։ Մասնատրապէս 2002-4՝ ՌԱՀ կազմում գործող «Պատնէշ» (գտնուում է Հրազդան քաղաքում եւ մինչեւ 2001 անուանում էր «Հրազդանմեքենայ») ձեռնարկությունում վերանորոգուեցին Պ-14, Պ-18, 19Ժ6, 5Ն84Ա, 1Լ22 ռադիոտեղորոշիչ կայաններ, ԶՍՈԻ-23-4 Շիլկա ԶԻԿեր, իսկ 2012ին ձեռնարկությունում սկսուեցին Ս-300 ՋՀՀերի արդիականացման աշխատանքներ³⁶։ Յատկանշական է, որ «Պատնէշ» ձեռնարկությունը արտադրում է 1000 անունից աւելի մասնալտորներ³⁷։

2010ից սկսած Օսա-Ակ եւ Ս-125 ՋՀՀերի մաշուած հեռուստաօպտիկական դիտողի պաստառները փոխարինուեցին «Ժամհար» գիտաարտադրական ձեռնարկության (գտնուում է Աշտարակ քաղաքում) կողմից ստեղծուած ՏՕՎ-Մ հեռուստաօպտիկաէլեկտրոնային սարքերով³⁸։

³³ В ожидании Бури, էջ 68:

³⁴ Զորահանդեսի արխիւային տեսաժապաւէնը՝ <https://www.youtube.com/watch?v=ouK-7yHluqI>: 21.09.2016:

³⁵ Այդ մասին մանրամասն տես՝ Մ. Ռ. Իսախանեան, Ա. Կ. Միրզաբէկեան, Ա. Հ. Եսայեան, Բ. Վ. Ոսկանեան, «ՀՀ ՌԱՀի ներդրումը ՀՕՊի եւ ռազմական ափացիայի զարգացման գործում», *Հայկական բանակ ռազմագիտական հանդէս*, ՀՀ ՊՆ Դրաստամատ Կանայեանի անուան ազգային ռազմավարական հետազոտությունների ինստիտուտ, 1-2:2013, էջ 60:

³⁶ ЗАО «Патнеш», Блог «ВПК Армении» («Պատնէշ» ՓԲԸ, Բլոգ «Հայաստանի ՌԱՀ») (<https://vpk-armenii.livejournal.com/3507.html>) 21.04.2013:

³⁷ Տես՝ «Պատնէշ» ՓԲԸ պաշտօնական կայքէջը՝ <https://www.patnesh.info.am/wall/>:

³⁸ ООО «НПП Жамар», Блог «ВПК Армении» («Ժամհար ԳԱԶ» ՍՊԸ, Բլոգ «Հայաստանի ՌԱՀ») (<https://vpk-armenii.livejournal.com/50095.html>) մատչում 22.12.2014:

2015ին Չարենցաւանի հաստոցաշինական գործարանում (հիմն. 1947) կատարուեցին Ս-125 Պեչորա-2Մ ԶՀՀ-երի արձակման կայանների եւ դրանց ալեհաւաքային համալիրի արդիականացում եւ վերազինում³⁹:

2010ականների առաջին կեսին Երեւանի կապի միջոցների գիտահետազոտական հիմնարկի (հիմն. 1978) կողմից մշակուեցին եւ ստեղծուեցին հայրենական արտադրութեան ՄՇՌ-200, ՄԵՍ-3 եւ ՄԵՍ-5 ռադիոտեղորոշիչ կայանները⁴⁰: Յատկանշական մի փաստ եւս. Երեւանի կապի միջոցների գիտահետազոտական հիմնարկը, գործակցելով իրանական կողմի հետ, մշակել է նաեւ Najm-802 ռադիոտեղորոշիչ կայանը, որն առաջին անգամ ներկայացուեց 2011ի ամռանը Իրանում կայացած գիտական եւ պաշտպանական ցուցահանդէսի ժամանակ⁴¹:

Նոյն ժամանակահատուածում Երեւանի մաթեմատիկական մեքենաների գիտահետազոտական ինստիտուտի (հիմն. 1956) կողմից արդիականացուեցին խորհրդային արտադրութեան ռադիոէլեկտրոնային պայքարի Ռ-330 Մանդատ (Р-330 Мандат) համալիրները, որոնք ստացան «Մանուշակ» անուանումը⁴²:

Հայկական ՌԱՀ զարգացման, այդ թւում հայկական ԶՌԻ-երում առկայ սպառազինութեան, ներառեալ ՀՕՊ միջոցների՝ ՌԱՀ ձեռնարկութիւններում իրականացուող արդիականացման գործընթացում, կարեւորագոյն քայլ էր «Ռազմարդիւնաբերական համալիրի մասին» օրէնքի ընդունումը:

³⁹ Вклад ВПК Армении в развитие ПВО и военной авиации, Блог ” ВПК Армении” (Հայաստանի ՌԱՀի աւանդը ՀՕՊ եւ ռազմօդուժի զարգացման գործում, Բլոգ «Հայաստանի ՌԱՀ»)՝ <https://vpk-armenii.livejournal.com/71391.html> , մատչում՝ 17.08.2015:

⁴⁰ Ռադիոտեղորոշիչ կայանների մասին եւ դրանց լուսանկարները տե՛ս՝ Մ. Վ. Մարկոսեան, «ՀՕՊի զօրքերի տարաշարժունութեան մեծացման տեսանկիւնից արդիական ռադարների ստեղծման որոշ հարցեր», *Հայկական բանակ*, 1-2:2013, էջ 47-49:

⁴¹ Ռադիոտեղորոշիչ կայանի մասին եւ դրա լուսանկարը տե՛ս՝ Иранская РЛС Najm-802 с фазированной антенной решеткой разработана в Армении, Блог ”БМПД” (Իրանական հատուածային ալեհաւաքային ճաղափանդակով ՆԱՋՄ-802 ՌՏԿն՝ մշակուած Հայաստանում, Բլոգ «ԲՄՊԴ»)՝ <https://bmpd.livejournal.com/2923229.html> , մատչում՝ 01.11.2017:

⁴² «Մանուշակ» ՌԷՊ համալիրի մասին եւ դրա լուսանկարները տե՛ս՝ “В Армении глубоко модернизирован комплекс радиоэлектронного подавления Р-330, Блог “ВПК Армении”” (Հայաստանում խորութեամբ արդիականացուել է ռադիոէլեկտրոնային պայքարի Ռ-330 համալիրը, Բլոգ «Հայաստանի ՌԱՀ»), <https://vpk-armenii.livejournal.com/32435.html> , մատչում՝ 25.04.2014:

Օրէնքը 2015 Մարտի 25ին ընդունուեց ՀՀ ազգային ժողովի կողմից, իսկ 2015 Ապրիլի 15ին՝ ստորագրուեց ՀՀ նախագահ Սերժ Սարգսեանի կողմից⁴³:

ՀՕՊ արհեստագիտական միջոցների համալրման եւ արդիականացման գործընթացին զուգահեռ լուծուեց նաեւ անձնակազմերի, մասնատրապէս սպայական կազմի պատրաստման խնդիրը: 2005ին ՀՀ ՊՆ մարաջախտ Արմենակ Խամփերեանցի անուան Ռազմաաւիացիոն հիմնարկում ստեղծուեց ՀՕՊ ֆակուլտէտ՝ համազօրային, ռադիոարհեստագիտական եւ ՀՕՊ ամբիոններով: 2009ին ֆակուլտէտը տուեց իր առաջին շրջանաւարտները⁴⁴:

Վերը նշուած փուլում հայկական ՀՕՊ զօրքերի ստեղծման եւ կայացման գործում մեծ էր յատկապէս զօրավար-հազարապետեր Ալիկ Սարգսեանի, Արարատ Համբարեանի, գնդապետեր Սերգէյ Գուրոկեանի եւ Նիկոլայ Բաբայեանի աւանդը⁴⁵:

Միաժամանակ անցկացուեցին ՀՕՊ զօրքերի մասնակցութեամբ խոշոր զօրավարժութիւններ, գործնական պարապմունքներ, այդ թւում մարտական մեքենաներից կատարուող հրթիռների ստուգողական-փորձնական արձակումներ: 1998ին ՀՀ պաշտպանութեան նախարար Վազգէն Սարգսեանը եւ ՀՕՊ վարչութեան պետ զօրավար-հազարապետ Համբարեանը⁴⁶ որպէս դիտորդ պետութեան ներկայացուցիչներ առաջին անգամ ներկայ են գտնուում ՌԴ ՌՕՈՒԻ Աշուլով զօրավարժարանում (Աստրախանի մարզ) ՌԴԻ, Պելառուսի եւ Ղազախստանի ՀՕՊ զօրքերի ներգրամամբ անցկացուող ԱՊՀ ՀՕՊ զօրքերի զօրավարժութեանը: Արդէն յաջորդ տարուանից հայկական ՀՕՊ զօրքերը նոյնպէս սկսում են մաս-

⁴³ Օրէնքը տես՝ «Հայաստանի իրաական տեղեկատուական համակարգ» կայքէջում (<https://www.arlis.am/DocumentView.aspx?DocID=97154>):

⁴⁴ Տիգրան Դերիկեան, *Երկնքի պահապաններն ու փիրակալները*, ՀՀ պաշտպանութեան նախարարութեան տեղեկատուութեան վարչութիւն, Երեւան, 2008, էջ 31:

⁴⁵ Օհանեան, էջ 202:

⁴⁶ Արարատ Համբարեանը Խորհրդային բանակի պահակազօրի զօրավար-գնդապետ Խաչատուր Համբարեանի որդին է: Տարբեր պաշտօններ է վարել խորհրդային ԶՈՒ ՀՕՊ զօրքերում, 1996ին աւարտել է ՌԴ ԶՈՒ գլխաւոր սպայակոյտի օգնական դպրոցը եւ պաշտպանելով թէկնածուական՝ նշանակուել է ՌԴ զրահատանկային զօրքերի ակադեմիայի ՀՕՊ ամբիոնի պետ, որտեղից էլ 1998ին վերադարձել է ՀՀ եւ ծառայութեան անցել ՀՀ ԶՈՒ-երում: Նոյն տարում ստանձնել է ՀՀ ԶՈՒ ՀՕՊ վարչութեան պետի պաշտօնը՝ փոխարինելով զօրավար-հազարապետ Ալիկ Սարգսեանին (Դերիկեան, էջ 31):

նակցել այդ զորավարժություններին: Այդ մասին Համբարեանը 2008ին պատմում էր. «99ին առաջին անգամ U-125 կայանքներով գնացինք, 2000ին՝ U-75ից ու U-125ից կազմուած ՀՕՊ թէւ փոքր, բայց՝ խմբատրու-մով: 2001ից որոշուեց այս զորավարժությունները երկու տարին մէկ անց-կացնել, ու 2003ին գնացինք արդէն U-125ով ու Օսա-ԱԿ մարտական մե-քենաներով: 2009ին կը մասնակցենք U-300 կայանքով, որով կրակեցինք 2005ին»⁴⁷:

ՀՕՊ զօրքերի զորավարժությունների անցկացման համար պայմաններ ստեղծուեցին նաեւ ՀՀում: Մասնատրապէս Մարշալ Յովհաննէս Բաղ-րամեանի անուան զորավարժարանում⁴⁸ ստեղծուեց ՀՕՊ կրակային բա-ժինը՝ նախատեսուած U-60 զենիթահրետանային կայանքներից, ինչպէս նաեւ փոքր հեռահարութեան Ստրելա-10 եւ Օսա-ԱԿ զենիթահրթիռային կայանքներից կրակ վարելու համար⁴⁹:

2014 Նոյեմբերի 6ին ՀՀ եւ ԼՂՀ տարածքում միաժամանակ մեկնար-կում են «Միասնութիւն-2014» գործարկում-մարտավարական լայնածաւալ զորավարժությունները, որոնց ներգրաւում են ՀՀ ԶՈՒ եւ ԼՂՀ ՊԲ բա-նակի 450 ՀՕՊ միջոցներ: Դա 1991ից յետոյ անցկացուած ամենախոշոր զորավարժութիւնն էր⁵⁰: Այդ զորավարժութեան շրջանակում Նոյեմբերի 13ին անցկացուեցին կրակային մարտավարական զորավարժութիւններ Օսա-ԱԿ մարտական մեքենաներից⁵¹:

Այստեղ կը ցանկանայինք մէկ կարեւոր հանգամանք շեշտադրել: Ինչ-պէս տեսանք ՀՕՊ զօրքերի ստեղծման եւ զարգացման ողջ ընթացքում

⁴⁷ Դերիկեան, էջ 31:

⁴⁸ Մարշալ Յովհաննէս Բաղրամեանի անուան զորավարժարանը, որը գտնուում է Արմաիրի եւ Արագածոտնի մարզերի սահմաններում, զբաղեցնում է ասելի քան 13 հազար հեկտար տարածք (Արսէն Աղեկեան, «Բաղրամեան զորավարժարա-նը՝ ՀՀ ԶՈՒ փորձաքար», *Հայ զինուոր*, 23(1092):2015, <http://www.hayzinvor.am/32423.html>:

⁴⁹ Դերիկեան, էջ 31:

⁵⁰ Леонид Нерсисян, “Беспрецедентные военные учения в Армении” (Լէոնիտ Ներսիսեան, Աննախաղէպ զորավարժութիւններ Հայաստանում), Федеральное информационное агентство «Regnum» («Ռեգնում» դաշնային տեղեկատուական գործակալութիւն), <https://regnum.ru/news/polit/1864691.html>, մատչում՝ 11.11.2014:

⁵¹ Օսա-ԱԿ մարտական մեքենաներից հրթիռների արձակման լուսանկարները տես՝ «Միասնութիւն 2014» զորավարժութեան ժամանակ ՀՕՊ զօրաբաժինը խոցել է բոլոր թիրախները», «Արմէնպրէս» լրատուական գործակալութիւն, <https://armenpress.am/arm/news/783810>, մատչում՝ 3.11.2014:

ՀՀն գործակցում էր բացառապես մէկ պետութեան՝ ՌԴի հետ եւ հետեւաբար հայկական ՀՕՊ զորքերը բացառապես ձեռք էին բերում խորհրդային/ռուսական սպառազինութիւն եւ մեքենասարք: Համեմատութեան համար նշենք, որ այսրկովկասեան միա երկու պետութիւնները՝ Վրաստանը եւ, յատկապէս, Ադրբեջանը այս հարցում այլ ճանապարհով գնացին՝ միաժամանակ ձեռք բերելով նաեւ արեւմտեան արտադրութեան նորագոյն սպառազինութիւն եւ մեքենասարք: Մասնատրապէս Վրաստանը մինչեւ 2008ի ռուս-վրացական պատերազմը (Օգոստոս 5-12) բացի վերոնշեալ խորհրդային նոյնատիպ ՀՕՊ համակարգերից, Իսրայէլից ձեռք էր բերել փոքր հեռահարութեան մէկ մարտկոց (4 մարտական մեքենայ)՝ Spyder-SR/Short Range ՁՀՀեր, ինչպէս նաեւ թուրքական ռազմարդիւնաբերական յայտնի Aselsan ընկերութեան կողմից արտադրուած ՀՕՊ զորքերի մեքենացուած կառավարման Skywatcher համակարգ⁵²:

Ադրբեջանը 2017-18ին Իսրայէլից գնեց մեծ հեռահարութեան (մինչեւ 90կմ) Barak-8, (ցամաքային բազաւորման քարշակուող տարբերակը) ՁՀՀեր (1,1մլրդ տոլար արժողութեամբ), 2016-17՝ մինչեւ 500կմ հեռաւորութեան վրայ թիրախներ յայտնաբերող 2 հատ EL/M-2080 Green Pine ռադիոտեղորոշիչ կայաններ (500մլն տոլար արժողութեամբ)⁵³: Նոյն ժամանակ Ադրբեջանը Իսրայէլից ձեռք բերեց նաեւ ELM-2288 AD-STAR եւ ELM-2106NG շարժական ռադիոտեղորոշիչ կայաններ⁵⁴, իսկ Սպանիայից գնեց Lanza MMR եւ Lanza LTR-25 ռադիոտեղորոշիչ կայաններ⁵⁵: Որոշ տեղեկութիւններով Ադրբեջանի հարաւում՝ Իրանի իսլամական հանրապետութեան հետ սահմանին դեռեւս 2008ին տեղակայուել են ամերիկեան ար-

⁵² М. С. Барабанов, А. В. Лавров, В. А. Целуйко, *Танки августа. сборник статей* (Օգոստոսի տանկերը, յօդուածների ժողովածու), Ռազմավարութիւնների եւ արհեստագիտութեան վերլուծութեան կենտրոն, Մոսկուա, 2009, էջ 24, 33:

⁵³ *Основные поставщики вооружений Азербайджану в 2013-2020 гг.* (Ադրբեջանին սպառազինութեան հիմնական մատակարարները 2013-20), Аналитическая записка (վերլուծական տեղեկագիր), «ЦАМТО», Ջէնքի միջազգային առեւտրի վերլուծութեան կենտրոն, Մոսկուա, 2022, էջ 2, <https://armstrade.org/files/analytics/602.pdf> :

⁵⁴ Сергей Линник, “Современное состояние системы ПВО Азербайджана” (Ադրբեջանի ՀՕՊ համակարգի ներկայ վիճակը), <https://topwar.ru/137819-sovremennoe-sostoyanie-sistemy-pvo-azerbaydzhana.html> , մատչում՝ 17.03.2018:

⁵⁵ Ռազմինֆօ, «Ադրբեջանը գնել է սպանական Lanza ռադարներ», <https://razm.info/135535> , մատչում՝ 20.05.2019 :

տադրության ARSR-4 ռադիոտեղորոշիչ կայաններ, որոնք թիրախներ յայտնաբերում են մինչև 450կմ հեռավորության վրայ⁵⁶:

ԱԴՐԲԵՋԱՆԻ ՌՕՈՒԻ ՀԱՄԱԼՐՈՒՄԸ ՕԴԱՅԻՆ ՆՈՐ ՄԻՋՈՑՆԵՐՈՎ ԵՒ ՀԱՅԿԱԿԱՆ ՀՕՊ ԶՕՐՔԵՐԻ ՊԱՅՔԱՐԸ ԴՐԱՆՑ ԴԷՄ

2000ականների սկզբներից Ադրբեջանն, աստիճանաբար ամելացրեց սպառազինության - այդ թվում օդային միջոցների - գնման ծաալները: Մասնատրապէս 2002ին Վրաստանը Ադրբեջանին մատակարարեց 6 հատ Cy-25T «Գրաչ», իսկ 2005ին՝ 7 հատ Cy-25/ՄԵ «Գրաչ» գրոհիչ ինքնաթիռներ: 2010-14՝ Վրաստանը Ադրբեջանի հետ իրականացնում է 15 հատ ՍՈՒ-25 «Գրաչ» գրոհիչների արտօնագրուած արտադրութիւն⁵⁷: 2009-12՝ Ադրբեջանը գնեց եւ 7 հատ ՍՈՒ-25 «Գրաչ» գրոհիչ ինքնաթիռներ Պե-լառուից⁵⁸:

Ադրբեջանի ՌՕՈՒՆ լուրջ խնդիր ունէր յատկապէս կործանիչների առումով, քանի որ դեռեւս Խորհրդային Միութեան փլուզումից յետոյ Ադրբեջանին անցած միքանի ՄիԳ-21СМ եւ ՄիԳ-21Бис կործանիչները եւ մօտ 40 հատ ՄիԳ-25ПД կործանիչ-կալանիչները այլեւս պիտանի չէին շահագործման համար⁵⁹: Այս բացը լրացնելու համար 2006-7ին Ադրբեջանը Ուկրայնայից ձեռք բերեց 14 հատ ՄիԳ-29, իսկ 2009-11՝ ՄիԳ-29ՄԵ կործանիչներ⁶⁰: ՄիԳ-29 կործանիչները Ադրբեջան ուղարկուելուց առաջ արդիականացուեցին Լվովի պետական օդանաւային վերանորոգման գործարանում⁶¹:

2006ին Ադրբեջանը Ուկրայնայից ձեռք բերեց նաեւ 12 հատ L-39 «Ալբատրօս» ուումնամարտական ինքնաթիռներ⁶²: Ադրբեջանը մեծածաալ գնումներ էր իրականացնում համալրելու համար իր ուղղաթիռների պարկը: Մասնատրապէս 2009-10՝ Ուկրայնայից գնեց 12 հատ Մի-24 հարուածային ուղղաթիռներ, որոնք 2010-12՝ Հարաւ-ափրիկեան հանրապետութեան հետ համատեղ իրականացուած ծրագրի շրջանակում արդիականացում են եւ հասցում Մի-24G Super Hind Mk.IV մակարդակի՝ ուժեղացնելով դրանք ուկրայնական արտադրութեան Բարյէր-Վ հակատան-

⁵⁶ Линник, “Современное состояние системы ПВО Азербайджана”:

⁵⁷ Основные поставщики, էջ 8-9:

⁵⁸ Նոյն, էջ 4:

⁵⁹ Линник, “Современное состояние системы ПВО Азербайджана”:

⁶⁰ Основные поставщики, էջ 8:

⁶¹ Линник, “Современное состояние системы ПВО Азербайджана”:

⁶² Основные поставщики, էջ 8:

կային հրթիռային համալիրներով⁶³: 2011-13՝ Ադրբեջանը ՌԴ-ից գնեց նաեւ 24 հատ Մու-35Մ հարուածային ուղղաթիռներ, իսկ 2009-15՝ 66 հատ Մու-17В-1 ռազմափոխադրային ուղղաթիռներ⁶⁴: Վերջիններս ուժեղացում են 2014ին Իսրայէլից գնուած LAHAT հակատանկային կառավարուող հրթիռներով⁶⁵, ինչի արդիւնքում Մի-17Վ-1 ուղղաթիռները փաստացի վերածում են հարուածային ուղղաթիռների: Յատկանշական է, որ 1990 Նոյեմբերի 19ին ստորագրուած «Եւրոպայում սովորական զինուած ուժերի մասին» պայմանագրի համաձայն, որին միացել էին ԱՊՀ պետութիւնները՝ 1992 Մայիսի 15ին Թաշքենդում ստորագրուած «Սովորական սպառազինութեան եւ մեքենասարքի առաւելագոյն քանակի մասին» արձանագրութեամբ⁶⁶, Ադրբեջանն իրաւունք ունէր ունենալ ոչ աւել քան 50 հարուածային ուղղաթիռ: Սակայն փաստացի ստացուեց, որ Ադրբեջանի ՌՕՈՒԻ կազմում հարուածային ուղղաթիռների թիւն աւելին էր:

2015ի դրութեամբ Քիւրդամիրի օդախարիսխում տեղակայուած էին ադրբեջանական ՌՕՈՒԻ 14 հատ L-39 ուսումնամարտական ինքնաթիռներ, 30 հատ Սու-25 եւ Սու-25 ՌԻԲ գրոհիչ ինքնաթիռներ, 2 հատ Cy-24 ռմբակոծիչներ, 5 հատ Cy-17 եւ 4 հատ ՄիԳ-21 կործանիչներ: Սու-24 ռմբակոծիչները, Սու-17 ու ՄիԳ-21 կործանիչները, սակայն, իրենց մարտունակութիւնն արդէն կորցրել էին եւ դուրս էին հանուել օգտագործումից: Ինչ վերաբերում է ուղղաթիռներին, ապա դրանց մեծ մասը տեղակայուած էր Պաքոփց արեւելք ընկած Կալա օդախարիսխում՝ մօտ 40 հատ Մի-24 ու Մի-35 եւ մօտ 40 հատ Մի-8 ու Մի-17: Ուղղաթիռների մի մասն էլ տեղակայուած էր Նախիջեւանի օդակայանում⁶⁷:

Մարտական ինքնաթիռներից եւ ուղղաթիռներից բացի, 2010ականների սկզբից, նախ Իսրայէլից, ապա նաեւ Թուրքիայից սկսեց գնել նաեւ հետախուզական եւ հարուածային, այդ թւում մահապարտ, անօդաչու թռչող սարքեր (ԱԹՍ): Մասնատրապէս 2010ին Ադրբեջանը գնեց իսրայէլական

⁶³ Նոյն:

⁶⁴ *Россия на рынке вооружений Азербайджана в 2013 - 2020 гг., Аналитическая записка* (Ռուսաստանը Ադրբեջանի սպառազինութեան շուկայում, 2013-20ին. վերլուծական տեղեկագիր), «ЦАМТО», Ձէնքի միջազգային առեւտրի վերլուծութեան կենտրոն, Մոսկուա, 2022, էջ 7-8, <https://armstrade.org/files/analytics/449.pdf>:

⁶⁵ “Основные поставщики”, էջ 2:

⁶⁶ Արձանագրութիւնը տես՝ Հայաստանի ազգային արխիւ (ՀԱԱ), ֆ. 326, ց. 9, գ. 114, թ. 1-11:

⁶⁷ *В ожидании Бури*, էջ 21-22:

արտադրութեան 16 հատ Aerostar ԱԹՍեր, իսկ 2011-12՝ իր տարածքում իրականացրեց դրանց լիզենզավորում արտադրութիւնը՝ թոով 30 հատ: Բացի այդ 2009ին Իսրայէլից գնուեցին 2 հատ Hermes-450, 2016՝ 2 հատ Hermes-900, 2010-12՝ 46 հատ Orbiter-2M, 2015ին՝ առնուազն 3 հատ Thunder-B ԱԹՍեր⁶⁸: Ադրբեջանը Իսրայէլից ձեռք բերեց նաեւ անյայտ քանակի հետախուզական Hermes-200 եւ մեծաքանակ IAI Harop մահապարտ ԱԹՍեր:

2010ականների կեսերին Ադրբեջանը պայմանագիր կնքեց նաեւ թուրքական արտադրութեան հետախուզական Turna ԱԹՍերի ձեռքբերման վերաբերեալ, իսկ ադրբեջանական ՋՌԻերի սպաները Թուրքիայում սկսեցին մասնագիտական պատրաստութիւն անցնել՝ Turna ԱԹՍերը ղեկավարելու նպատակով⁶⁹:

Մեծաթիւ ԱԹՍերի ձեռքբերմանն զուգահեռ Ադրբեջանի ՋՌԻերը սկսեցին դրանք կիրառել առաջնագծում: Մասնաւորապէս, 2011ի Սեպտեմբերի 12ին՝ ժամը 07:00ի սահմաններում, Արցախի ՀՀ-ի եւ ՌԷՊ ստորաբաժանումների գործողութիւնների արդիւնքում Մարտունու շրջանի Վազաշէն գիւղի օդային տարածքում խոցուեց ադրբեջանական զինուժի ԱԹՍ, որը, հայկական կողմի գնահատմամբ կամ Hermes 450 էր, կամ էլ Hermes 180⁷⁰:

ՔԱՌՕՐԵԱՅ ՊԱՏԵՐԱԶՄԸ

2016 Ապրիլի 2ին, լուսադէմին, սկսուեց Ադրբեջանի ՋՌԻերի լայնածաւալ յարձակումը ՀՀ Հիման գծի տարբեր ուղղութիւններով՝ սկիզբ դնելով 1994ի մայիսեան զինադադարից յետոյ ամենամեծ ռազմական գործողութիւններին հակամարտութեան գոտում: Յատկանշական է, որ այդ յարձակման ժամանակ, որը տեւեց 4 օր (մինչեւ Ապրիլի 5ը) ադրբեջանական ՌՕՌԻն չկիրառեց մարտական ինքնաթիռներ, այլ կիրառեց փոքրաթիւ մարտական ուղղաթիռներ եւ մեծ թոով ԱԹՍեր: Մասնաւորապէս ադրբեջանական ՋՌԻերը կիրառեցին միջանի տասնեակ հարուածային-մահապարտ ԱԹՍեր, այդ թում նման ԱԹՍով հարուած հասցուեց պաշտպա-

⁶⁸ “Основные поставщики”, էջ 2:

⁶⁹ Լեւոն Յովսէփեան, Արծրուն Յովհաննիսեան, Սերգէյ Մինասեան, *Տարածաշրջանի ռազմական տեղեկագիր*, ՀՀ ԳԱԱ «Գիտութիւն» հրատ., Երեւան, 2016, էջ 133:

⁷⁰ Չի բացառում, որ Իրանում խոցուած իսրայէլական ԱԹՍն Ադրբեջանից արձակուած լինէր (The Aviationist, «Ռազմինֆո», (<https://razm.info/52195>) մատչում՝ 27.08.2014):

նութեան բանակի 5րդ ՊՇԻ սպայակոյտին⁷¹: Ադրբեջանական ՁՈՒերը օգտագործեցին նաեւ իսրայէլական արտադրութեան Skystar-180 տիպի հետախուզական օդաւարիկ: Վերջինս կարող է աշխատել մինչեւ 300մ բարձրութեան վրայ⁷²:

Ապրիլի 2ի լուսաբացին ժամը 07.01ին Հիւսիսային՝ Գիւլիստանի ուղղութեամբ խոցուեց Մի-24 հարուածային ուղղաթիռը⁷³: Վերջինս խոցուեց ԼՂՀ ՊԲ ՀՕՊ ստորաբաժանումներից մէկի կողմից՝ Իզլա ԴՁՁով:

Ապրիլի 2ին ժամը 12.21ին հարաւային ուղղութեամբ խոցուեց Մի-24G հարուածային ուղղաթիռը⁷⁴, սակայն ոչ ՀՕՊ ստորաբաժանումների կողմից: Ուղղաթիռը փորձել էր գրոհել պաշտպանութեան բանակի դիրքերը, սակայն ոչնչացուել՝ ՔՈՒ-7 հակատանկային նռնականետից:

Ապրիլի 2-5 ժամանակահատուածում Ադրբեջանի ընդհանուր կորուստները կազմեցին 2 Մի-24 հարուածային ուղղաթիռ, 14 հարուածային եւ հետախուզական ԱԹՍեր, այդ թւում IAI Harop, Thunder B, Orbiter⁷⁵: Եւս 6 ԱԹՍեր՝ ԼՂՀ ՊԲ ՀՕՊ ստորաբաժանումների կողմից Ապրիլի 5-30ը⁷⁶:

Հակառակորդի ԱԹՍերի մեծ մասը խոցուեց հայկական ՌԱՀ ձեռնարկութիւններում արդիականացուած ՕՍԱ-ԱԿ եւ Շիւկաների միջոցով: Նաեւ օգտագործուեցին հայկական արտադրութեան Շղարշ, Ամպրոպ եւ Մանուշակ (սա ճնշում էր հակառակորդի ռադիոկապը) ՌԷՊ միջոցներ⁷⁷:

ԵԶՐԱԿԱՅՈՒԹԻՒՆ

Այսպիսով, 1994 մայիսեան զինադադարից յետոյ շարունակուեց հայկական ՀՕՊ զօրքերի զարգացումը, սպառազինութեան ու մեքենասարքի յետագայ համալրման ու արդիականացման գործընթացը: ՀՀ ՌԱՀ ձեռնարկութիւնների կողմից իրականացուեցին խորհրդային արտադրութեան ՀՕՊ ԶՀՀերի եւ ռադիոտեղորոշիչ կայանքների ամբողջական կամ մաս-

⁷¹ Արծրուն Յովհաննիսեան, *Ռազմարուեստի զարգացումը 20-րդ դարում. հեռանկարներ*, ՀՀ ԳԱԱ պատմութեան ինստիտուտ, Մեսրոպ արք. Աշճեան մատենաշար 156, Երեւան, 2017, էջ 456:

⁷² Սենոր Հասրաթեան, *Ապրիլեան քառօրեայ առճակալում (Արցախ, 02 - 05. 04. 2016 թ.)*, «Տիգրան Մեծ» հրատ. Երեւան, 2017, էջ 10:

⁷³ Նոյն, էջ 20 – 21:

⁷⁴ Նոյն, էջ 29:

⁷⁵ Նոյն, 146:

⁷⁶ Նոյն, էջ 146:

⁷⁷ В ожидании Бури, էջ 77:

նակի վերագինում, ինչպես նաեւ մեքենասարքի որոշ նմուշների տեղական մշակումներ եւ արտադրութիւն:

Դեռեւս արցախեան առաջին պատերազմի ժամանակ ՀՀ եւ ԼՂՀ տարածքներում կազմաւորուած ՀՕՊ զօրքերը աստիճանաբար, համարկուեցին միմեանց եւ արդիւնքում ստեղծուեց երկու հանրապետութիւնների օդային սահմանները պաշտպանող միացեալ աստիճանակարգուած ՀՕՊ համակարգ:

Յաջողութեամբ լուծուեց նաեւ ՀՀ-ում գործող բարձրագոյն ուսումնական հաստատութիւնում ՀՕՊ զօրքերի համար համապատասխան սպայական նոր անձնակազմեր պատրաստելու խնդիրը:

Հայկական ՀՕՊ զօրքերը աշխուժ մասնակցութիւն ունեցան 2016ի ապրիլեան ռազմական գործողութիւններին: Հայկական ՀՕՊ զօրքերը իրենց գերազանց դրսեւորեցին՝ յաջողութեամբ խոցելով հակառակորդի օդային յարձակման միջոցները, դրանով իսկ նուազեցնելով հայկական կողմի կորուստները:

Միաժամանակ ադրբեջանական կողմը 2016 ապրիլեան ռազմական գործողութիւններում մեծ փորձ կուտակեց՝ առաջին անգամ միաժամանակ կիրառելով մեծ թուով հարուածային-մահապարտ ԱԹՍեր: Սա նախապատրաստութիւն էր 2020ի արցախեան 44օրեայ պատերազմին, որտեղ Ադրբեջանը կիրառեց միքանի հազար օդային յարձակման ու խոցման միջոցներ, այդ թում հարուածային-մահապարտ ԱԹՍեր ու տարբեր տեսակի գերճշգրիտ հրթիռներ:

Իր հերթին հայկական կողմը թէեւ որոշ, սակայն ինչպէս ժամանակը ցոյց տուեց ոչ-բաւարար չափով հետեւութիւններ արեց տեղի ունեցածից: Մասնաւորապէս, չնայած այն փաստին, որ 2016 ապրիլեան ռազմագործողութիւններից յետոյ, մինչեւ 2020ի 44-օրեայ պատերազմն ընկած ժամանակահատուածում հայկական ՀՕՊ զօրքերը համալրուեցին խորհրդային/ռուսական արտադրութեան նոր ԶՀՀ-երով եւ ՌԷՊ միջոցներով, սակայն դրանց քանակը եւ որակը բաւարար չեղան կանխելու համար 2020ի աղէտը:

THE DEVELOPMENT OF THE ARMENIAN AIR DEFENCE FORCES BETWEEN THE MAY 1994 ARMISTICE AND THE MILITARY ACTIONS OF APRIL 2016

(PART 2)

(Summary)

HAYK NAZARYAN

nazaryan_h90.90@mail.ru

The paper highlights the upgrading and development of the air defense systems of the Republics of Armenia and Artsakh after the May 1994 armistice with Azerbaijan.

This upgrading took place within the context of Russian-Armenian air defense agreements, which enabled the modernization of the Armenian air defense systems and forces to a certain extent. In 1995 Armenia joined the Joint CIS Air Defense System. That same year the Russian 102 military base, equipped with an air defense regiment, was established in the territory of the Republic of Armenia. Furthermore, in 2016 an Armenian and Russian joint air defense system was formed in the territory of the Republic of Armenia.

The paper compares the upgrading and development of the air defense forces of neighboring Azerbaijan and Georgia with those of Armenia. It details how Azerbaijan modernized its air defense system and notes that Azerbaijan diversified its air defense forces through purchasing up-to-date hardware from countries like Ukraine, Belorussia, Georgia and Israel. The paper argues that these acts violated the arms limitations agreements of the Caucasus.

The paper partly examines the 2016 four-day war that broke out between Armenia and Artsakh on the one hand and Azerbaijan on the other and argues that both sides learned hard lessons from it. Nonetheless, it seems that Azerbaijan drew more strategic lessons from the outcome and made excellent use of its failures, unlike Armenia.